

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historia Zaringo Badensis**

**Schöpflin, Johann Daniel**

**Carolsruhae, 1765**

CCCXLV.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXLV.

SIGISMUNDUS REX ROM. BERNHARDO MARCHIONI  
BADENSI BRISCOVIÆ PRÆFECTURAM  
DEFERT.

ANNO MCCCCXVII.

*Ex Tabulario Bada-Durlacensi.*

**W**ir SIGMUND von gotes gnaden Römischer Kung zu allentzy-  
ten mehrer des Richs, vnd zu Vngern, Dalmatien, Croatien  
&c. Kung Entbieten allen vnd iglichen Mannen zu dem Land In Bris-  
gow gehorenden vnd dorinnen gefessen die von Herzog Fridrichen von  
Osterrich Lehen gehebt hand, den Burgermeistern, Reten vnd Bur-  
gern gemeinlich der Stete Friburg, Neuenburg, Brifach, Kentzungen  
vnd Endingen, vnd allen vnd iglichen andern Inwonern des vorge-  
nanten Landes Brifgow vnd In die Landvogty dafelbs gehorenden vnsern  
vnd des Richs lieben getruen vnser gnad vnd alles gut. Lieben ge-  
truen. Wann alle vnd igliche Lande, lüte, Stete, Sloffe vnd was  
Herzog Fridrich von Osterrich zu Swaben, zu Elfsas, zu Brifgow vnd  
anderswo in diesen Landen gehebt hat nach lute des Briefs den Er vns  
dorüber gegeben hat, Recht vnd redlich an vns kommen vnd gefallen  
sind, vnd wann wir euch dorumb gern wohl versorgen wolten, Also,  
das Jr by fride gnaden vnd friheith beliben moget, vnd wir das doch  
selber vmb der manigueltigen vnd swären sorgen, vnd vnmusse willen,  
damit vnser kunglich gemüte von des Richs notdurft wegen, on vnder-  
lafs beladen ist, Als wol nit getun mogen, als wir gern teten, Do-  
rumb das gutlich betrachtet vnd angesehen, haben wir gedacht, vnd



ouch an Rate funden. Das der hochgeborn Bernhart, Marggraue zu Baden, vnser lieber Oheim vnd Furst mit finen Slossen Landen vnd gebieten dem Brisgow also gefessen ist, Das Er das wol gehanthaten vnd beschirmen mag, vnd haben dorumb mit wolbedachtem mute, gutem Rate vnd Rechter wissen denselben Bernharten vnsern vnd des Ruchs Landvogt zu Brisgow gemacht vnd gesetzt, machen vnd setzen von Romischer kunglicher macht in craft disß briefs, bis vff vnser oder vnserer nachkomen an dem Riche widerrufen. Vnd wir haben Jm ouch befolhen das Er euch getrulichen schirmen vnd by ewren gnaden, friheiten vnd Rechten hanthaten vnd beliben lassen solle, vnd wir gebieten dorumb euch allen vnd ewer iglichem von Romischer kunglicher macht ernstlich vnd vesticlich mit dissem Brief das Jr den vorgeannten Bernhard zu ewrem Landuogt emphahen vnemen vnd furbaß in ere halden, vnd Jm auch als ewren Landuogt in allen sachen vnd mit allen Rechten vnd nutzen die Eym Landuogt von Rechts wegen zugehoren gehorsame vnd gewertig sin sollet, Alß lang vnd wir oder vnser vorgeannten nachkommen das nit widerrufen. Geben zu Costentz, versigelt mit vnserer kunglicher Maiestat Insigel, nach Cristis geburt viertzehn hundert Jare, vnd darnach In dem Sibentzehenden Jar des nechsten Donerstags nach sant vrbans tag, vnser Riche des Vngrischen &c. In dem Ein vnd drissigsten, vnd des Romischen In dem Sibenden Jaren &c.



Ad mandatum doni Regis  
Johannes Kirchen.

L 3